

ROZÁRIU MAGNIFICAT NIAN

Knananuk: Maria Vogliamo Amarti

Momentu 1^o: Iha loron hirak ne'ebé Maria hiit an lalais ba foho, ba knua ida iha Juda (Lc 1,39).

(Gia parte uluk; koru reza Santa Maria)

1. "Ha'u klamar hahi Na'i, ha'u espíritu haksolok iha Maromak ha'u makso'in"
2. "Basá Nia haree nia atan feto ne'ebé folin laek".
3. "Hori ohin ba oin bei-oan sira sei haklaken rahun-di'ak mai ha'u"
4. "Ida ne'ebé bele buat hotu halo buat kmanek wa'in tebes mai ha'u no nia naran Santu".
5. "Nia laran luak houri otas ba sira ne'ebé hamtauk Nia".
6. "Nia hatudu nia liman nia kbiit, hodi halakon ema loko an sira iha sira nia hanoin".
7. "Nia hamonu ukun na'in sira husi sira nia tur fatin, hodi foti fali ema kiik sira".
8. "Nia haraik buat diak hotu ba mukit sira, hodi haruka riku sira bá ho liman mamuk".
9. "Nia tau matan ba nia atan Israel hodi hanoin fali nia laran luak".
10. "Tuir lia menon ne'ebé Nia hakotu ona ba ita nia bei-ala sira, Abraão no nia bei-oan sira ba nafatin."

Momentu 2^o: "To'o tiha Zacarias nia uma, nia kumprimenta Izabel" (Lc 1,40)

Knananuk: Ha'u nia klamar hahi Na'i Maromak

Momentu 3^o: "Wainhira Izabel rona Maria nia lia, kosok-oan book an iha nia knotak ho ksolok" (Lc 1,41)

Leitura: Papa Francisco nia mensajen ba Loron Mundiál Paz nian 2018: "Ita presiza halo buat barak molok ita-nia maun-alin sira bele moris iha dame hanesan uma seguru ida. Simu ema seluk husu kompromisu konkreto, korrente ida apoiu no benefisénsia nian, atensaun vijilante no abranjente isa, jestaun responsavel ba situasaun foun kompleksa sira ne'ebé dalaruma mai hamutuk ho problema seluk ne'ebé eziste ona ho número boboot, nune'e mós rekursu sira ne'ebé sempre limitadu... Iha mensajen hanesan durante Jubileu Boot ba tinan 2000 anúnsiu paz nian husi anju sira iha Belém, S. João Paulo II inklui número aas ba beibiek refujiadu sira nian tan efeitu sira «tutuir malu husi funu orivel, konflitu sira, jenosídiu sira, "limpezas étnicas"» ne'ebé karakteriza sékulu XX. No to'o ohin loron, infelizmente, sékulu foun la rejista virajen loloos ida: konflitu armadu sira no forma seluk violénsia organizada kontinua provoca deslokasaun populasau nian iha interiór fronteira nasional sira no hakat liu ida-ne'e".

(Silénsiu)

Knananuk: Magnificat, magnificat, magnificat anima mea Dominum.

Momentu 4^o: "Izabel sai nakonu ho Espíritu Santu" (Lc1,41)

(Hanesan momentu 1^o)

Momentu 5^o: "Izabel hahú ko'alia, dehan: "Ita boot diak liu feto hot-hotu! Ita boot nia oan diak liu!" Be ha'u se los atu ha'u Na'i nia inan hiit an mai ha'u nia uma? Basa, ita lia to'o tiha iha ha'u tilun, kosok oan book an kedas iha ha'u knotak. Rahun diak ba ida ne'ebé fiar katak lia ne'ebé Na'i hateten sei sai tuir los duni. Nune'e Maria hatán:". (Lc 1, 42-45)

Knananuk Magnificat Kairoi

Orasaun: Maromak domin no justisa nian, Ita mak ami-nia esperansa, Ami harohan ba ami-nia rain, ami-nia governante sira, ami-nia povu no ami-nia meu ambiente. Halo ami iha kapasidade atu simu dezafiu atu hari'i nasaun ida justa ne'ebé fó espasu ba ema kiak sira no kompromete an atu salvaguarda ambiente. Hakonu ami-nia fuan ho Ita-nia Espíritu: atu ami hatene afirma ema hotu nia dignidade no atu ami hatene serbisu laho tá'uk atu lori justisa no dame iha ami-nia parókia, ami-nia serbisu, ami-nia família no ami-nia comunidade sira. Haraik mai ami fuan ne'ebé hatene rona, korajen atu atua ho justisa, atu hadomi ho ternura no atu kontinua la'o ho hariak-an ho Ita, Na'i. Amém.